

## جواب

نفسى ابعت لارضى جواب  
والجواب غرقان ف بحر الالم  
مين يغطس يجيب مفتاح الندم  
لجل يحل المشكله  
ويزرع ف ارضى فرحه  
واجدد وجودى م العدم  
بس  
الايادى متربطه  
والحياه متلخبطه  
والنبض الحى سكت  
مبقاش غير صوت الآه  
والنفوس المحبطه  
لكن يا مصر  
هتفضلى عايشه ف قلبى  
ف رسمه ضحكة طفل وليد  
ف غنوه فلاح بأرضه  
بيرويكى بدم شهيد  
مصر هتفضل دايمه عاليه  
مهما نقول ومهما نعيد  
ومع إن العقل تاه  
وعن الكون اصبح شريد

واتكوى م الغلى قلب الوليد  
والغيلان والحيتان ربعوا  
ع الارض ف كل مكان  
وورق الشجر جف  
والبحر بقى عطشان  
ف قلب كل مصرى موجود إيمان  
بترابك يا غاليه  
مدام بنروى ارضك بدمنا  
مهما يحصل او حصل  
وكان الى كان